



Publicaziuns dalla vischnaunca, jamna 42

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2019-1046.000

Bergbahnen Disentis AG, Via Acletta 2, 7180 Disentis/Mustér: construcziun d'in surpassadi digl ual d'Acletta, parcella 1335, Via Acletta, 7180 Disentis/Mustér.

Nr. 2020-1055.000

Sandro e Kathleen Manetsch, Via Vallars 1, 7186 Segnas: tschentar ina casa da curtin, parcella 2325, Via Vallars 1, 7186 Segnas.

Nr. 2020-1056.000

Sabine ed Engelbert Johannes Rolli, Via Sogn Antoni 21, 7182 Cavardiras: nova terrassa vid la construcziun da lenn existenta, parcella 2107, Via Sogn Antoni 21, 7182 Cavardiras.

Disentis/Mustér, ils 16 d'october 2020
Uffeci da baghegiar Disentis/Mustér

Annunzias da baghegiar

All'istanza da baghegiar ein sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2020-2129.000

Graubündner Kantonalbank, Engadinstrasse 25, 7000 Chur: dislocaziun dil bancomat ed adattaziuns internas, parcella 704, Via Lucmagn 8, 7180 Disentis/Mustér.

Nr. 2020-2131.000

Bergbahnen Disentis AG, Via Acletta 2, 7180 Disentis/Mustér: baghetg temporar per proviantaziun duront la stagium d'unviern 2020/21, Palius, parcella 2932, 7180 Disentis/Mustér.

Nr. 2020-2132.000

Meinrad Giger, Via Sogn Gions 9a, 7180 Disentis/Mustér: lavurs da manteniment vid il baghetg d'economia nr. 144A, parcella 752, Sogn Gions, 7180 Disentis/Mustér.

Disentis/Mustér, ils 16 d'october 2020
Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 16 d'october 2020, allas 20.15** en halla da tennis dil Center da sport e cultura.

Tractandas:

1. Protocol 28-2017/2020
 2. Senda Cuolm da Vi – Stgeinas (Val Segnas): Project e credit (messadi nr. 49-2017/2020)
 3. Avertura Val Segnas – Val Sogn Placi: Project e credit (messadi nr. 50-2017/2020)
 4. Ura da damondas (conform ad art. 44 dil regulativ da fatschentas)
- Il president dil cussegl da vischnaunca*
-



Premi Desertina

A caschun da sia davosa seduta ha la suprastonza communal en concordanza cun la cumissiun «Premi Desertina» decidiu da spustar la surdada dil Premi Desertina sin igl onn 2022, quei muort las mesiras da higiena e distanza en connex cul coronavirus.

Nus engraziein a tuts per lur capientscha.

Suprastonza communal

Annulaziun dalla fiera da Sogn Martin 2020

Muort il coronavirus e las mesiras da protecziun ch'ei vegnidas decretadas ha la suprastonza communal decidiu da desister uonn d'organisar la fiera tradiziunala da Sogn Martin che havess giu liug ils 9 da november 2020. Nus deplerein quella decisiun, sperein denton da saver organisar la fiera igl onn proxim.

Suprastonza communal

Scaldaments mobils el liber

Bulius da scaldar, radiaturs, radiaturs d'infratgietschen etc.

Sebasond sin art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il Departament da construcziun, traffic e selvicultura dil Grischun relaschau suandonta disposiziun:

1. Per mintga apparat da scaldar mobil - gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau ina tonna CO₂. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO₂ e per apparats cun ina prestaziun da scaldar maximala da sur 28 kW sto vegnir cumpensau treis tonnas CO₂ e.a.v. Silmeins 20% dall'immissiun CO₂ sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.
2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai in onn naven digl 1. da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun duront la perioda da scaldar respectiva.
3. La cumpensaziun dall'immissiun da CO₂ succeda entras il possessur ni entras la vischnaunca.
4. Sch'ils possessurs cumpenseschan sezs l'immissiun da CO₂, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO₂ (p.ex. myclimate). Per apparats da scaldar electrici sa l'obligaziun da cumpensar l'immissiun da CO₂ era vegnir ademplida, sch'ei vegn applicau – per mintga tonna CO₂ che sto vegnir cumpensada – cumprovadamein 4 500 kWh d'electricitad ch'ei vegnida producida cun energias regenerablas.
5. Sch'ils possessurs cumpenseschan buca sezs l'immissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada. Il prezi per vignetta importa **frs. 60.–**.
6. Las vischnauncas impundan igl entir recav dalla vendita da vignettas per cumpensar l'immissiun da CO₂. Igl uffeci d'energia e traffic metta a disposiziun in agid d'execuziun per las vischnauncas.
7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas tier l'administraziun communal. *Administraziun communal*



Serradas da vias d'uaul

Via d'uaul Cavardiras–Caischavedra

Muort lavurs da construcziun vid la via d'uaul da Cavardiras–Caischavedra (remplazzament dil canaster da lenna sut via e remplazzament dalla cuvrada dalla punt) vegn la via serrada naven dils 12 d'october tochen ils 23 d'october per tut traffic, pia era per pedunzs. Duront la fin d'jamna ei la via aviarta. Quei naven dalla cruschada a Runtget entochen tier las Aclas da Cavardiras.

Via d'uaul Runfoppa

Muort lavurs da transport da lenna cun suga e camiun a Runfoppa Sut, vegn la via da Runfoppa mintgamai ad esser serrada pil traffic motorisau sco era per pedunz duront il temps da lavur. Las lavurs entscheivan prevedentamein (dependent dall'aura) gliendisdis, ils 26 d'october 2020 e cuozan duas jamnas. La via vegn ad esser serrada naven dalla damaun dallas 7.00 entochen la sera allas 18.30. Per pedunz ei igl access ensiviars garantius sur la via veglia viers Pégn Rodund.

Dalla punt a Runfoppa Sut, Val Calaus vegn remplazzau la cuvrada da lenn. Per quei intent vegn la via serrada naven dils 4 da november 2020 duront duas jamnas per tut traffic. Per pedunz ei igl access ensiviars garantius sur la via veglia viers Pégn Rodund.

Nus supplichein da prender enconuschientscha da quests preavis.

Bien engraziament per la capientscha.

Disentis/Mustér, ils 16 d'october 2020

Uffeci forestal Disentis/Mustér

Controlla da habitonts

Naschientschas

Noa Muscas, naschius ils 4 d'october 2020 fegl da Sonja e Sandro Muscas

Jalina Schmed, naschida ils 5 d'october 2020 feglia da Nadja e Tino Schmed

Ev.-ref. Kirchgemeinde der Cadi

Ordentliche Kirchgemeindeversammlung der Ev.-ref. Kirchgemeinde der Cadi am Sonntag, 8.11.2020, um 11.30 Uhr im Kirchgemeindezentrum Aua Viva in Disentis-Raveras.

Liebe Kirchgemeindemitglieder,

Im Anschluss an den Gottesdienst zum Reformationsfest um 10 Uhr begrüßen wir zuerst alle ganz herzlich zu einem Apéro. Um 11.30 Uhr beginnt dann unsere Versammlung, die aufgrund des Ausfalls der Frühjahrsversammlung eine reichhaltige Traktandenliste hat. Im Besonderen schlägt uns die Pfarrwahlkommission die Wahl von Christoph Zingg in die Nachfolge von Roland Just vor. Wir freuen uns und hoffen auf euer zahlreiches Erscheinen.

Traktanden:

1. Begrüssung
2. Wahl der Stimmezähler/innen
3. Genehmigung des Protokolls der Kirchgemeindeversammlung vom 3.11.2019
4. Genehmigung Jahresbericht des Pfarramtes und des Vorstandes 2019
5. Genehmigung Jahresrechnung der Kirchgemeinde 2019, Bericht der Revisorinnen
6. Bestätigung des Steueransatzes 2021
7. Budget der Kirchgemeinde 2021
8. Jahresbericht und Rechnung der Stiftung 2019
9. Wahlen in den Vorstand: Wiederwahl Susanne Strupler
10. Antrag der Pfarrwahlkommission und Wahl von Christoph Zingg in die Nachfolge von Roland Just
11. Antrag zum Budget 21: Erneuerung Homepage www.auaviva-cadi.ch
12. Information zur Sanierung von Biotop und Bepflanzung am Aua Viva
13. Information zur Sanierung Carport- und Zugangsbelag am Pfarrhaus
14. Infos und Varia



Die Jahresberichte der Kirchgemeinde und der Stiftung wurden schon im April versandt und sind auch auf www.auaviva-cadi.ch downloadbar:

http://www.link-sursilvan.ch/cms_files/files/0600877001586852473_76.pdf

http://www.auaviva-cadi.ch/cms_files/files/0980403001586851486_76.pdf

Anträge zuhanden der Kirchgemeindeversammlung sind schriftlich bis spätestens 24.10.2020 an die Ev.-ref. Kirchgemeinde, z.H. des Präsidenten Hans Möckli-Fry, Via Davos Mustér 4, 7180 Disentis zusenden.
Der Kirchgemeindevorstand: Hans Möckli-Fry, Jeannette Venzin, Susanne Strupler und Yvette Riesen.

Colonna d'agid Mustér

Cuors da reiver per affons

Gia dapi biars onns organischescha la Colonna d'agid Mustér mintga stad cuors da reiver per affons. Per dar era igl atun la pusseivladad da trenar da reiver vegn organisau duront otg mesjamnas sera in cuors da reiver per affons dallas annadas 2012 entochen 2008.

Liug: Halla da reiver el Center da sport e cultura, Mustér
Entschatta: mesjamna, ils 28-10-2020 entochen miez december 2020 Annadas 2012 entochen 2008
17.30–19.00
Menaders: Commembers dalla Colonna d'agid Mustér cun brevet Giuventetgna e sport
Annunzias: Entochen gliendisdis, ils 26-10-2020 alla Colonna d'agid Mustér, Otmar Venzin
tel. 079 381 25 52.

Segirada ei caussa da mintga participont/a.
Colonna d'agid Mustér

Acziun pacs da Nadal

Era uonn rimnein pacs da Nadal per persunas basegnusas dall'Europa digl Ost. Cun quella acziun savein nus purtar in grond sustegn e ventira el trest mintgadi. Dar giu tochen ils 14-11-2020 el «Café Goldmann», Mustér. Dapli infos el Café ni sut www.weihnachtspäckli.ch

Aktion Weihnachtspäckli

Auch dieses Jahr sammeln wir wieder Weihnachtspäckli für bedürftige Menschen in Osteuropa. Mit dieser Aktion bringen wir eine grosse Unterstützung und Glück in den grauen Alltag. Abzugeben im «Café Goldmann», Disentis (14.11.2020).Flyer mit mehr Informationen im Café oder unter www.weihnachtspäckli.ch

Spirituelle Kirchenraumführung

Samstag, 24. Oktober 2020, 16 Uhr

Du sollst Dir kein Bild machen! – Christliche Kunst, Klosterkirche St. Martin.

Pendicularas Mustér SA

Las Pendicularas Mustér SA organischeschan ina fiera silla piazza dil Catrina Resort.

Cu: **Ils 29 da december 2020** dallas 14.00–19.00. Haveis Vus interess da vender Vos products? Lu

s'annunziei entochen ils 18 da november 2020 per e-mail tier: e.bundi@catrina.swiss. Per damondas stat bugen Erna Bundi a disposiziun, 081 920 30 40.

Nus selegrein sin Vossa participaziun.